

四庫全書

集部

欽定四庫全書

文苑英華卷二百八十二 宋 李昉等 編

送行十七

劉駕三首 李頻十二首

章碣一首 皮日休二首

許崇七首 聶夷中一首

鄭谷十三首 楊夔三首

杜荀鶴三首 周繇六首

喻坦之四首

黃滔四首

送友人登第東歸

劉駕

同家楚天涯相識秦雲西古來懸弧義豈顧子與妻携
手踐名場正遇公道開君昇我雖黜感恩同所懷有馬
不復羸有奴不復飢灞岸槐花落却是出關時青門一
瓢空分手去遲遲期君轍未平我事繼東歸

送李殷遊京西

前人

十年夢相識一覩俄見別征駕在我傍草草意難說君

居洞庭日詩句滿魏闕如何萬里來青桂看人折行裝
不及備西去偶成決

一作缺

孟夏出都門紅塵客衣熱荒

城見羊馬野館具薇蕨邊塞漸無虞依宿常待月西園
置酒地日夕簪裾列壯志安可留樽前槐花發

送人登第東歸

前人

學古既到古反求鑒者難見詩未識君疑生建安前海
畔豈無家終難成故山得失雖由命世途多險艱我皇
追古風文柄付大賢此時如為君果在甲科間晚達多

早貴舉世咸為然一夕顏却少雖病心且安所居似清
明冷竈起新烟高情懶行樂花盛僕馬前歸程不淹留
指期到田園香醪四鄰熟霜橘千株繁肯憶長安夜論
詩風雪寒

送許侍御歸潤州

李 頻

家山近石頭遂意在東浮祖席離烏府歸帆轉蜃樓陰
霞出海散落日向潮流別有為霖日孤雲未自由

送人歸滄州

前 人

風色又西轉坐為千里分高帆背楚落寒日逆潮曠斷
燒綠喬木盤鵬隱片雲鄉園有戰地歸去始休軍

送人南歸

前人

行行野雪薄寒氣日通春故國又芳草滄江終白身遊
歸花落滿睡起鳥啼新不得無來札空令借問人

送人往太原

前人

并州非故國所去又何思獫狁方為寇嫖姚正用師戍
煙來有號邊雪下無時更想經綿上應逢禁火期

送人歸新定

前人

歸心常共知歸路不相隨彼此無依倚東西又別離山

花含雨亞江樹逆

送一作

潮歌莫戀漁樵興人生各有期

送孫明秀才往潘州訪

詩選

韋卿

前人

北鳥飛不到北人誰

詩選

去遊天涯浮瘴水嶺外問潘

州草木春冬茂猿猱日夜愁

定知遷客淚唯

詩選

敢對

君流

送人往太原

前人

離亭聊把酒此路徹邊頭
草白鴈初下時清人去遊汾
河流晉地塞雪滿并州
別後相思夜遙看北斗愁

初下

集作來盡

遙看

集作空看

送人遊淮南

詩選作之揚州

前人

一別長安後晨征更信鷄
河聲入峽急地勢出關低
綠樹叢垓下青蕪澗楚西路長
知不惡隨處得詩選作好詩題

送九江狄明府

前人

字人脩祖德清白定聞傳匹馬離秦去孤帆入楚懸關

中寒食雨湖上暑衣天四考兼重攝相和疑作知住幾年

送人赴湖南

前人

關門鳥道中飛轉疑作傳復乘驄暮雪離秦甸春雲入楚

宮平蕪天共濶積水地多空使府懸帆待能銷幾日風

送友人東歸

前人

白社思歸處青門見去人鄉連茂苑樹路入廣陵塵海
日潮浮曉湖山雪帶春猶期來帝里未得是閒身

漢上送人西歸

前人

此日看行意令人動遠心野銜天去盡山夾漢來深疊
浪翻殘雪高帆引片陰唯應留別句畢我白頭吟

送韋岫郎中典泗州

章碣

玉皇恩詔別星班去壓徐方分野間有鳥盡巢垂汴柳
無樓不對隔淮山旌旗漸向行時擁案牘應從到日閒
想憶朝天獨吟坐旋飛新作過秦關

送令狐補闕歸朝

皮日休

文如日月氣如虹舉國重生正始風且願仲山居左掖
只憂徐邈入南宮朝衣正在天香裏諫草應焚禁漏中
為說明年今日事晉廷新拜黑頭公

送從弟皮崇歸復州

前人

羨爾優游正少年竟陵風

集作烟

月似吳天車螯近岸無

勞

詩選作妨

取舫艫隨風不費牽處處路旁千頃稻家家門

外一渠蓮殷勤莫笑襄陽住為愛南溪縮項鱸

送裴拾遺赴畿令

許崇

受謫因廷諫茲

一作東

行不出關直廬辭玉陛上馬向仙

山地古桑麻廣城偏僕御閒懸齋高枕卧應夢犯天顏

送王侍御越城令

前人

戴豸忽驅鷄東南上句溪路過金谷盡帆轉石城西水
樹連天暗山禽遶縣啼江人諳舊化那復俟招携

送李頻之南陵主簿

前人

赴縣是還鄉途程豈覺長聽鶯離灞岸盪槩入陵陽野
蕨生公署閒雲拂印牀晴天調膳外垂釣有池塘

李員外知揚州留後

前人

帝命分留後東南向楚天幾程迴送騎中路上迎船治
列開山鑄民分酌海煎青雲名素重此去豈經年

送龍州樊使君

前人

曾見邛人說龍州地未深碧溪飛白鳥紅旆映青林土
產唯宜藥王租只貢金政成閒宴日誰伴使君吟

送從弟歸泉州

前人

問省歸南服懸帆任北風何山猶見雪半路已無鴻瘴

雜春雲重星垂海夜空往來如不住亦是一年中

送前汝州李侍御罷宣城

前人

吟詩早得名戴豸又加榮下國閒歸去他人少此情雲
移寒嶠出燒夾夜江明重引池塘思還登謝朓城

送友人歸江南

聶夷中

皇州五更鼓月落西南維此時有行客別我孤舟歸上
國身無主下第誠可悲

送徐澳端公南歸

鄭谷

青衿離白社朱紱始言歸此去多應羨初心盡不違江
帆和日落越鳥近鄉飛一路春風裡楊花雪滿衣

送祠部曹郎中鄴出守洋州 前人

為儒欣出守上路亦戎裝舊制詩多諷分憂俗必康開
懷江稻熟寄信露橙香郡閣清吟夜寒星識望郎

送水部張郎中彥回之宰洛陽

前人

何遜蘭休握陶潛柳正垂官清真塞詔事簡好吟詩春

漏懷丹闕涼船泛碧伊已虛西閣位朝夕鳳書追

送吏部曹郎中鄴免官南歸 前人

高名向已求古韻古無儔風月拋蘭省江山向桂

一作復

州賢人知止足中歲便歸休雲鶴深相待公卿不易留
滿朝張祖席半路上仙舟篋重藏吳畫茶新換越甌郡
迎紅燭宴寺宿翠嵐樓觸目成幽興全家是勝遊蓬聲
漁叟雨葦色鷺鷥秋久別郊園改將歸里巷修桑麻勝
祿食節序免鄉愁陽朔花迎棹崇賢葉滿溝

郎中崇賢
里有幽居

席春歡促膝簷日暖扶

集作挽梳

頭道暢應為蝶

集作虎

時來

必問牛終須康庶品未爽激寒流議在歸群望情難戀
自由小生誠淺拙早歲便依投夏課每垂獎雪天常見
憂遠招陪宿直首薦向公侯攀送偏揮灑龍鍾志未疇

送進士盧棨東歸

前人

灞岸草淒淒離觴我獨携流年俱老大失意又東西曉
楚山雲滿春吳水樹低到家梅雨歇猶有子規啼

送人之九江謁郡侯苗員外

前人

澤國尋知己南浮不偶遊
湓城分楚塞廬嶽對江州曉

飯

一作泛

臨孤嶼春帆入亂流
雙旌相望處月白庾公樓

送進士許彬

前人

泗上未休兵壺關事可驚
流年催我老遠道念君行
殘雪臨晴水寒梅發故城
何當食新稻歲稔又時平

送太學顏時明經及第東歸 前人

平楚干戈後田園失耦耕
艱難登一第一作離亂省諸

兄樹沒春江漲人繁野渡晴
閒來思學館猶夢雪牕明

送京叅翁先輩歸閩中

前人

解印東歸去人情此際多名高
五七字道勝兩重科宿
館明寒燭吟船兀夜波
家山春更好越鳥在庭柯

送沈

集作光

前人

九陌低迷誰問我五湖流浪可悲君
著書突破蘇司業
賦詠思齊鄭廣文理棹好携三百首
阻風須飲幾千分
耒陽江口春山綠慟哭應尋杜甫墳

送進士韋序赴舉

前人

丹霞照上三清路瑞錦裁成五色毫波浪不能隨

集作傾

世態鸞鳳應得入吾曹秋山晚水吟情遠雪竹風松醉
格高預想明年騰躍處龍津春碧浸仙桃

送進士吳延保及第後南遊 前人

得意却思尋舊跡新銜未得上蘭臺吟看秋艸出闌去
逢見故人隨計來勝地昔年詩板在清歌幾處郡筵開
江湖易見淹留興莫待春風吹

集作綻

瘦梅

淮上與友人別

前人

揚子江頭楊柳春
楊花愁殺渡江人
數聲風笛離亭晚
君向瀟湘我向秦

送張相公出征

楊夔

得意在當年登壇秉國權
漢推周勃重晉讓趙宣
賢儒德尼丘降兵鈴太白
傳援毫飛鳳藻發匣吼龍泉
歷火金難耗凌霜桂益堅
從來稱玉潔此更讓朱妍
鴛鴦臻門下貔貅擁帳前去
知清朔漠行不費陶甄
獻畫符中旨推誠契上玄
願將班固筆書頌勒燕然

送杜郎中入茶山脩貢

前人

一道澄瀾徹底清
仙郎輕棹出重城
採蘋虛得當時稱
述職那同此日榮
劔戟步經一作高障
黑綺羅光動百

花明謝公携妓東山去何似乘春奉詔行

送鄭谷

前人

春江潏潏清且急
春雨濛濛密復疎
一曲狂歌兩行淚
送君兼寄故鄉書

送賓貢登第後歸海東

杜荀鶴

歸捷中華第登船鬢未絲直應天上桂別有海東枝國
界波窮處鄉心日出時西風送君去莫慮到家遲

以下三篇並見集本

送人南遊

前人

凡遊南國者未有不蹉跎到海路雖盡集作難盡掛帆人更

多潮沙分象跡花洞響蟲歌縱有投文處於君能幾何

亂後送友人

集作送友人遇亂歸湘中

前人

家枕三湘岸門前即釣磯漁竿壯歲別鶴髮亂時歸岳

暖無猿叫江春有鷺飛平生書劍在莫便學忘機

送江州薛尚書

一作郎中

周 繇

匡廬千萬峯影匝郡城中忽佩虎符去遙疑鳥道通烟霞時滿郭波浪暮連空樹翳樓臺月帆飛鼓角風郡齋多岳客鄉戶半漁翁王事行春外題詩寄遠公

送邊上從事

前人

戎裝佩鎧走馬逐輕車衰草城邊路殘陽壠上笳黃河穿漢界青塚出胡沙提筆男兒事功名立可誇

送洛陽崔員外

前人

塞詔除嵩洛觀圖見廢興城遷周古鼎地列漢諸陵日
送歸朝客時招住嶽僧郡齋臺閣滿公退即吟登

送人尉黔中

前人

盤山行幾驛水路復通巴峽漲三川雪園開四季花公
庭飛白鳥官俸請丹砂知尉黔中後高吟採物華

送楊環校書歸廣南

前人

天南行李半波濤灘樹枝枝拂戲猱初着藍衫從遠嶠

乍辭雲署泊輕艘山村象踏枕榔葉海外人收翡翠毛
名宦兩成歸舊隱徧尋親友興何饒

送宇文虞

前人

此別欲何往未言歸故林行車新歲近落日亂山深野
店寒無客風窠動有禽潛知經目事大半是愁吟

送友人遊東川

喻坦之

食盡須分散將行幾願留春蕪三月閨人擬半年遊風
俗同吳地山川擁梓州思君登棧道猿嘯始應愁

送友人南中訪舊知

前人

春盡大方遊思君便白頭地蒸川有毒天暖樹無秋水
接三巴險猿分五嶺愁為緣知己分南國必淹留

大梁送友人東遊

前人

自古東西路舟車此地分墓

一作河

聲梁苑夜草色楚田

曠鴈已多南去蟬猶在此聞聖朝無諫獵何計謁明君

此詩二百九十五卷重出今已削去注異同為一

作

送友人遊蜀

前人

為儒早得名為客不憂程
春盡離丹闕花繁到錦城
雪消巴水漲日上劔關明
預想迴來樹秋蟬已數聲

送陳明府歸衡

黃滔

雛鶴兼雛

一作留

下單車出柳烟三年兩殊考
一日數離

筵久別潮波綠相思嶽月圓
翠蘿曾隱處定恐却求仙

送翁拾遺

前人

還家俄赴闕別思肯淒淒
山坐輶車看詩將諫筆題天

開中國大地設四維低拜舞吾君後青雲更有梯

遊邊送友人

前人

虜酒不能濃縱傾愁亦重關河初落日霜雪下窮冬野
燒枯蓬旋沙風匹馬衝薊門雖漢土遊子莫從容

送友人遊邊

前人

銜盃國門外分手見殘陽何日還南越今朝往北荒沙
城經雨壞虜騎入秋狂新詠關山月歸吟鬢白霜

文苑英華卷二百八十二

欽定四庫全書

文苑英華卷二百八十三 宋 李昉等 編

送行十八

張喬十七首 王貞白三首

張蠙十首 王穀一首

盧延讓一首 曹松六首

羅隱十八首 裴說五首

唐彥謙一首

送鄭侍御赴汴州辟命

張喬

官從諫署清暫去佐戎旌朝客多相送吟僧欲伴行
河冰天際白嶽雪眼前明即見東風起梁園聽早鶯

送南陵尉李頻

前人

重作東南尉生涯尚似僧客程淮館月鄉思海船燈
曉霧看春轂晴天見朗陵不應三考足先授詔書徵

送鄭谷先輩赴汝州辟

前人

看花興未休已散曲江遊載筆離秦甸從軍過洛州
嵩

雲將雨出汝水背城流應念依門客蒿萊滿目

一作徑

秋

送沈先輩尉昭應

前人

餘才不廢詩佐邑喜閒司丹陛終須去青山未可期葉
凋溫谷晚雲出古宮遲若草東封疏君王到有時

送友人遊湖南

前人

所投非舊知亦似有前期向路長江上揚帆細雨時春
生南嶽早日轉大荒遲盡採瀟湘句重來會近期

送前輩讀三傳任長城尉

前人

登科精魯史作尉及良時高論窮諸國長才併幾司地
傾流水疾山疊過雲遲暇日琴書伴何人對手棋

送友人遊蜀

前人

天下猿多處西南是蜀關馬登青壁瘦人度翠微閒帶
雨逢殘火因江見斷山行歌風月好莫老錦城間

江上送友人南遊

前人

何處積鄉愁天涯聚亂流岸長群岫晚湖濶片帆秋買
酒過漁舍分燈與釣舟瀟湘見來鴈應念獨邊遊

送友人歸江南

前人

辛勤同失意，迢遞獨還家。
落日江邊笛，殘春島上花。
親安誠可喜，道在亦何嗟。
誰伴高吟處，晴天望九華。

送進士許崇

前人

離鄉積歲年，歸路遠依然。
夜火山頭市，春江樹杪船。
干戈愁鬢改，瘴癘喜家全。
何處營甘旨，波濤浸薄田。

送龐百篇之任青陽縣尉

前人

都堂公試日，詞翰獨超群。
品秩台庭與，篇章聖旨聞。
鄉

連三楚縣樹對九華雲多少青門客臨岐共羨君

送碁待詔朴求歸新羅

前人

海東無敵手歸去道應孤闕下傳新勢船中覆舊圖窮
荒迴日月積水載寰區故國多年別桑田復在無

送友人遊蜀

前人

劍閣緣空去西過第

一作西
南過

幾州丹霄行客語明月杜

鵲愁露帶山花落雲隨野水流相如曾醉地莫戀少年

遊

送友人北遊

前人

東歸未遂心北去幾沉吟把酒思鄉遠投文入塞深晉
山擎白道汾水截青林想見連天雪安知一作長安是積霖

送友人及第歸江南

前人

豈易及歸榮辛勤致此名登車思往事迴首勉諸生路
遶山光曙帆通海氣清秋期却閒坐林下聽江聲

送海東朴克

前人

天涯離二紀闕下歷三朝漲海雖然濶歸帆不覺遙驚

波時失侶舉火夜相招來徃尋遺事秦皇有斷橋

送友人歸宣州

前人

失計復離愁君歸我舊遊亂花藏道發春水遶鄉流
暝火叢橋市晴山疊郡樓無為謝公戀吟過晚蟬秋

送友人南歸

王貞白

南國菖蒲老知君憶釣船離京近殘暑歸路有新蟬
峴首白雲起洞庭秋月懸若教吟興足西笑是何年

送馬明府歸山

前人

辭秩入匡廬重修靖節居免遭黑綬束不與白雲踈送
吏各獻酒羣兒自擔書到時看瀑布為我謝清虛

送韓從事歸本道

前人

獻捷靈州倅歸時寵拜新論邊多稱旨許國誓亡身馬
渴黃河凍鴈回青塚春到蕃唯足戰應不肯和親

送友人赴涇州幕

一作送李中
丞再赴慶州

張蠡

杏園沉飲散榮別就嘉招日月相期盡山河獨去遙府

樓明蜀雪關磧轉胡鷗縱有烟塵動應隨上策銷

送成州牧

前人

清時為塞郡自古有儒流素望知難愜新恩且用酬犬
牙連蜀國兵額貫秦州祗作三年別誰能聽邑留

送董卿赴台州

前人

九陌除書出尋僧問海城家從中路挈吏隔數州迎夜
蚌侵燈影春禽雜櫓聲開圖見異跡思上石橋行

送徐州薛尚書

前人

上將出儒中論詩擬立功州從禹後別軍自漢來雄遠
驛銷寒日嚴城肅暮空龍顏有遺廟猶得奠英風

送薛郎中赴江州

前人

幾州聞出刺遙美有江民正面傳天旨懸心禱岳神尺
書先假路紅旆旋燒塵郡顯山川別衙開將吏新散招
僧坐暑閒載客行春聽事甚忘著探題酒亂巡好編高
隱傳多貌上昇真近日居清近求人在此人

送縉雲尉

前人

釋褐從仙尉之官興若何去程唯水石公署在雲蘿野
阪樓中迥晴峰案上多三年罷趨府應更戰高科

送友人歸武陵

前人

聞近桃源住無村不是花戎旗招海客廟鼓集江鴉別
島垂橙實閒田長荻花遊春未得意看即是離家

和友人送趙能卿東歸

前人

一第時難得歸期日已過相看玄鬢少共憶白雲多楚
澗天垂草吳宮月上波無人不有遇之子獨狂歌

送友人歸南中

前人

有家誰不別，經亂獨難尋。
遠路波濤惡，窮荒雨露深。
曉鷺山象出，雷觸海鰲沉。
為問南遷客，何人在瘴林。

送友人及第歸

前人

家林滄海東，未曉日先紅。
作貢諸蕃別，登科幾國同。
遠聲魚呷浪，層氣蜃迎風。
鄉俗稀攀桂，爭來問月宮。

送友人歸闕

王穀

東南歸思切，把酒且留連。
再會知何處，相看共黯然。
猿

啼梨嶺路月白建溪船莫戀家鄉住酬身在少年

送友人赴闕

盧延讓

正當天
下待雍熙
丹詔徵來早
為遲倚馬才高猶愛藝
問牛心在肯容私
吏開黃閣排班處
民擁青門看入時
却笑郡人留不得
感恩唯擬立生祠

九江送方干歸鏡湖

曹松

一檣懸五雨
此日動歸風
客路拋湓口
家林入鏡中
譚餘雲出嶠
詠苦月欹空
更若遊支島
何人夜坐同

送尤協律京西從事

前人

辟書來幾日逐意就嘉招猶向風沙淺非於甸服遙時
平無探騎秋靜見盤鷗若遣關中使煩君問寂寥

都門送進士張喬東歸

前人

舊客東歸遠長安詩少朋去愁分磧鴈行計逐鄉僧華
嶽無時雪伊河漫處水知辭國門路片席認巴陵

秋日送方干遊上元

前人

天高淮泗白料子趨脩程汲水疑山動揚帆覺岸行雲

離京口樹鴈入石頭城後夜分遙念

一作處

諸峯月霧

詩選

作霧
露生

送陳樵校書歸泉州

前人

巨塔列名題詩心亦罕齊除官京下關乞假海門西別
席侵殘漏歸程避戰輦關遙秦鴈斷家近瘴雲低候馬
春風館迎船曉月溪帝京須早入莫被刺桐迷

送進士喻坦之遊太原

前人

北鄙征難盡詩愁滿去程廢巢侵曉色孤

詩選
作荒

塚入鋤

聲逗野河流濁離雲磧月明并州戍壘暮

詩選作
戍壘地

角動

引風生

送李右丞分司東城

羅隱

分曹得洛川讜議更昭然左省曾批勅中臺肯畏

集作
避

權所悲時漸薄共賀道尤全賣與清平代相兼直幾錢

送汝州李中丞十二韻

前人

群盜方為梗分符奏未寧黃巾攻郡邑白挺掠生靈塵
土周畿暗瘡痍汝水腥一虎雖剪滅數縣尚凋零理必

咨寬猛謀須藉典刑與能纔物論慎選忽天庭官品尊
臺秩山河擁福星虎知應去境牛在肯全形舊政窮人
瘼新銜展武經闕防秋草白城壁晚峯青破膽期來復
迷魂想待醒魯山行縣後聊為奠惟馨

送沈光侍御赴職閩中

前人

未至應居右全家出帝鄉禮優逢苑雪官重帶臺霜夜
浦吳潮吼春灘建水狂延平有風雨從此是騰驤

送內使周大夫自杭州朝貢 前人

八都上將近平戎便附輜軒奏聖聰三按

集作變又作接

駕前

朝覲禮一函江表戰征功雲歸

集作間

閶苑何時見水到

集作底

瑤池觸處通知有殿庭餘力在莫辭消息寄西風

淮南送節度盧端公將命之汴州端公嘗為汴

州相公從事

前人

吹臺高倚圃田東此去輶車事分同珠履舊參蕭相國
綵衣令佐晉司空醉離淮甸寒星下吟指梁園密雪中
到彼的知宣室語幾時徵拜黑頭公

送盧端公歸臺盧校書之夏縣

前人

綿綿堤草拂征輪，龍虎俱辭楚水濱。
只見勝之為御史，不知梅福是仙人。
地推八米源流盛，才笑三張事業貧。
一種西歸一般達，栢臺霜冷夏城春。

送朗州張員外

前人

聖朝綸閣最延才，湏牧生民始入來。
鳳藻已期他日用，隼旟應是隔年回。
旗飄峴首嵐光重，酒奠湘江杜魄哀。

腸斷秦原二三月好花全為使君開

重送朗州張員外

前人

朱輪此去正春風且駐青驄

集作門

聽斷蓬一榻早年容

孺子雙旌今日別文翁誠知與

集作汲

善心長在爭奈干

時跡轉窮酬德酬恩兩無路漫勞惆悵鳳城東

淮南送李司空朝覲

前人

聖君宵旰望時雍丹詔西來雨露濃楚客歌狂

集作宣父道高

休歎鳳武侯才大本猶

集作吟

龍九州似鼎終須負萬物

為銅只待鎔臘後春前更何事便看經度奏東封

淮南送工部盧員外赴闕 前人

始從豸角曳長裾又吐鷄香奏玉除隋邸舊僚推謝掾
漢庭高議得相如貴分赤筆升蘭署榮著緋衣從板輿
遙想到時秋欲盡禁城涼冷露槐疎

淮南送司勳李郎中赴闕 前人

中朝品秩重文章雙筆依前賜望郎五夜星辰歸帝座
半年樽俎奉梁王南都水煖蓮分影北極天寒鴈著行

不必戀恩多感激過淮應合見徵黃

送陸郎中赴闕

前人

幕下留連兩月強爐邊侍史舊焚香不關雨露偏乖意
自是鴛鴦合着行三署履聲通建禮九霄呈彩應明光
少瑜鏤管邱遲錦從此西垣使鳳凰

早春送大梁盧從事

集作送張
坤歸大梁

前人

蕭蕭羸馬立

集作正

塵埃又送輜軒向吹臺別酒莫辭今

夜酌

集作醉

故人知是幾時迴
泉經華嶽猶應凍
花到梁

園始合開若見

集作為謝

東門抱闕者

集作吏

為言

集作不堪

惆悵

滿離杯

此詩又見二百三十一卷

送進士臧濬下第後歸池州 前人

賦成無處換黃金
却向東遊

集作春風

動越吟
天子愛才雖

側席諸生多病
又霑襟
柳攀灞岸狂
遮袂水憶池陽綠

滿心珍重綵衣歸
正好莫將閒事繫
升沉

途中送人東遊有寄

前人

離騷莫惜蹙逡巡君向池陽我入秦歲月易拋非曩日
酒盃難得是同人路經隋苑橋燈夜江轉臺城岸草春
此處故交誰見問為言霜鬢壓風塵

送宿松傅少府

前人

江籬漠漠樹重重東過青淮到宿松縣好也知臨皖水
官閒應得看瀟峯春生綠草

集作野

吳歌怨雪霽平郊楚

酒濃留取餘盃待張翰明年歸棹一從容

送沈光及第後東歸兼赴嘉禮

前人

青青月桂觸人香
白紵衫輕稱沈郎
好繼馬卿歸故里

况聞山簡在襄陽
杯傾別岸終集作應
湏醉草集作花傍征

車漸欲芳擬把金錢助集作贈
嘉禮不堪栖屑困名場

送友人歸夷門

前人

三年流落大梁城
每送君歸即有情
別路筭來成底事
舊游言着似前生
苑荒懶認詞人會
門在空憐烈士名

至竟男兒分應足

集作定

不須惆悵谷中鶯

送人宰邑

裴說

官小任還重，命官難偶然。
皇恩輕一邑，赤子病三年。
瘦馬稀食粟，羸童不識錢。
如君清苦節，到處有人傳。

春暖送人下第

前人

相送短亭前，知君愚復賢。
事多憑夜夢，老為待明年。
春樹添山脊，晴雲學曉烟。
雄文有公道，此別莫潜然。

湖外送何崇入閣

前人

因詩相識久忽此告臨途便是有船發也須容市沽精
吟五箇字穩泛兩重湖長短逢公道清名振帝都

送進士蘇瞻亂後出家

前人

因亂事空王孤心亦不傷梵僧為骨肉栢寺作家鄉眼
閉千行淚頭梳一把霜詩書不得力誰與問蒼蒼

秋日送河北從事

前人

北風沙漠地吾子遠從軍官路雖非遠詩名要且聞蟬
悲欲落日鵬下擬陰雲此去難相戀前山摻袂分

送樊館司業歸朝

唐彥謙

近者蘇司業文雄道最光
夫君居太學妙譽繼中行
汲郡陵初發汾陰篋久亡
寂寥方倚席容易忽升堂
去日應懸榻來時定裂裳
愜心頻拾芥應手屢穿楊
辨給如無敵飛騰固自強
論心期舌在問事畏頭長
駟馬終題柱諸生悉面牆
啗螫譏爾雅賣餅詆公羊

三國志注魏
嚴幹善春秋

公羊鍾繇好左氏
謂公羊為賣餅家

未見泥函谷俄驚火建章
烟塵昏象

魏行在隔巴梁紅粟填郿塢
青袍過壽陽剪茅行殿濕

伐栢舊陵香鬢室青衿盡渠門火旆揚雲飛同去國星
散各殊方賤子悲窮轍當年亦擅場釐辛尋幼婦醴酒
憶先王聖域探姬孔皇風樂禹湯畏誅輕李喜言命小
臧倉折樹休盤槩沉鉤且釣璜鴻都問詞客他日莫相

忘

文苑英華卷二百八十三

欽定四庫全書

集部

文苑英華卷二百八十六至

詳校官太僕寺少卿臣李廷欽

助教臣常循覆勘

總校官進士臣朱鈐

校對官中書臣秦泉

謄錄監生臣閔澧

欽定四庫全書

文苑英華卷二百八十四

宋 李昉等 編

送行十九

送人覲省七十六首

送賈起居奉使入洛取圖書因便拜覲

蘇頲

舊國才因地當朝使命官遺文徵缺簡還思採芳蘭傳
發關門候觴稱邑里歡早持京副入旋佇洛書刊

送常侍舒公歸覲

有序
不錄

前人

朝聞講藝餘晨省拜恩初訓胄尊庠序榮親耀里閭朱
丹華轂送斑白綺筵舒江上春流滿還應薦躍魚

重送舒公

前人

散騎金貂服彩衣桃花水上逐春歸懸知邑里遙相望
事主榮親代所稀

送崔三往密州覲省

王維

南陌去悠悠東郊不少留同懷扇枕戀獨解

集作
念

倚門

愁路遶天山，雪家臨海樹。秋魯連功未報，且莫蹈滄洲。

送友人南歸

已見二百八十八卷

前人

送李給事歸徐州覲省

孫逖

列位登青瑣，還鄉服綵衣。共嚴晨省日，便是晝遊歸。春水經梁宋，晴山入海沂。莫愁東路遠，四牡正駢駢。

送許八拾遺歸江寧覲省

杜甫

詔許辭中禁，慈顏

一作家榮

赴北堂。聖朝新孝理，祖席倍恩

一作輝

光內

一作贈

帛擎偏重宮衣，着更香淮陰。清夜驛京

口渡江航春隔雞人晝秋期燕子涼賜書誇父老壽酒

樂城隍

一作竹引趨庭曙山添扇枕涼十年過父老幾日賽城隍

看畫曾饑渴追蹤

恨

一作限

森茫虎頭金粟影神妙獨難忘

甫昔時嘗客遊此縣於許生處

乞瓦棺寺維摩圖樣志諸篇末

送韓十四江東覲省

前人

兵

一作干

戈不見老萊衣嘆息人間萬事非我已無家尋

弟妹君今何處訪庭闈黃牛峽靜灘聲轉

一作急

白馬江

寒樹影稀此別須當各努力故鄉猶恐未同歸

送王孝廉覲省

李白

彭蠡將天合，姑蘇在日邊。
寧親候海色，欲動孝廉船。
窈窕江轉參差遠，岫連相思無晝夜。
東注似長川。

送鄭務拜伯父

秦母潛

名公作逐臣，驅馬拂行塵。
舊國問鄒子，勞歌向郢人一
川花送客，二月柳宜春。
奉料竹林興，寬懷此別晨。

送集賢學士伊闕史少府敕放歸江東覲省

陶翰

墨客鍾張侶材高吳越珍千門來謁帝駟馬去榮親吏
邑治清洛鄉山指白蘋歸期應不遠當及未央春

送張七判官還京觀省

劉長卿

春蘭方可採此去葉初齊函谷鶯聲裏秦山馬首西庭
闈新栢署門館舊桃蹊春日集作色長安道相隨入禁閨

以下三篇並見集本

送張栩扶侍之睦州

此公舊宰建德

前人

遙憶新安舊扁舟復却還淺深看水石來往逐雲山入

縣餘花在過門故柳開東征隨子去偕隱薜蘿間

客舍贈別常九建赴任河南常十七造任鄭縣

就便覲省

前人

與子頗疇昔常時仰英髦弟兄盡公器詩賦凌風騷頃
者遊上國獨能光選曹秀名冠二陸精鑒逢山濤且赴
倚門望莫辭趨府勞桃花照綵服草色連青袍征馬臨
素澹離人傾濁醪華山微雨霽祠上殘雲高而我倦栖
屑別君良鬱陶春風亦未已旅思空滔滔拙分甘棄置

窮居長蓬蒿人生未鯤化物意如鴻毛迢遞兩鄉別慙
慙一寶刀清琴有古調更向何人操

送楊千牛赴歲赴汝南郡覲省便成婚

岑參

問吉轉征鞍安人道姓潘歸期明主賜別酒故人歡珠
箔障鑪煖狐裘耐臘寒汝南遙倚望早去及春盤

以下四篇並見集本

送張郎中赴隴右覲省卿公

時張卿公亦
充節度留後

前人

中郎鳳一毛世上獨賢豪弱冠已銀印出身唯寶刀還
家卿月迥度隴將星高幕下多相識邊書醉懶操

送張直公歸南鄭拜省 前人

夫子思何速世人皆歎竒萬言不加點七步猶一作獨嫌

遲對酒落日後還家飛絮一作雪時北堂應多望一作待鄉

夢促征期

送陶銳棄舉荆南覲省 前人

明時不愛璧浪跡東南遊何必世人識知君輕五侯採
蘭渡漢水問絹過荊州異國有歸興去鄉無客愁天寒
楚塞雨月淨襄陽秋坐見吾道遠令人看白頭

送杜士瞻楚州覲省

李嘉祐

見集

風流與才思俱似晉時人淮月歸心促江花入興新雲
深滄海暮柳暗白田春共道官猶小憐君孝養親

送邊補闕東歸覲省

錢起

東去有餘意

集作景

風生賜錦衣

集作春風生賜衣

鳳凰銜詔下

才子採蘭歸斗酒百花裏人情集作情人一笑稀別離須計

日想

集作相

望在彤闈

送虞說擢第南歸覲省

前人

南風起別袂心到衡湘間客路楚天遠集作歸客楚山遠孤舟

雲水間愛君採蘭處花鳥連家山得意且寧省人生難

此還

送外甥懷素歸覲

前人

釋子吾家寶神清慧有餘能翻梵王字妙盡伯英書遠

鶴無前侶孤雲寄太虛
狂來輕世界醉裏得真如
飛錫

離江

集作鄉

久寧親喜

一作是

臘初故池殘雪滿

一作在

寒柳

霽烟踈壽酒還嘗藥
晨飡不薦魚
遙知禪誦外
健筆賦

閒居

此詩二百十九卷重出今已削去注異同為一作

送友人歸魯覲省

已見二百七十二卷

韓翊

送李萬饒覲省

皇甫冉

前程歡拜慶異縣惜招携
荀氏風流遠胡家清白齊
川

迴一作過

吳岫失塞濶楚雲低舉目觀魚鳥驚心怯鼓鼙

人稀漁浦外灘淺定山西無限青青草王孫去不迷

送彭開府往雲中覲使君

盧綸

一門三代貴非是主恩偏破虜山銘在承家劔藝全奪
旗貂帳側射虎雪林前鴈塞逢兄弟雲州發管絃凍河
光帶日枯草靜無烟儒者曾親武因貽上將篇

送衛司法河中覲省

即故吏部王廷昌外甥

前人

出身因強學不以外家榮年少無遺事官閒有政聲曉
山臨野渡落日照軍營共賞高堂下連行弟與兄

送尹樞令狐楚及第後歸覲

前人

佳人比香草君子即芳蘭寶器金壘重清音玉佩寒貢
文齊受寵獻醴兩承歡鞍馬并汾地爭迎陸與潘

送太常李主簿歸覲

前人

粲粲美仍都清閒一貴儒定交分玉斂發詠寓冰壺風
景隨台位河山入障圖上堂多慶樂肯念谷中愚

送渾鍊歸覲却赴闕庭

前人

雲幕擁簪裾，台庭餞伯魚。綵衣人競看，銀詔帝親書。知子當元老，為臣淺二疏。執珪期已迫，捧膳步寧徐。而我愚誠者，夫君起病諸。探題多最勝，饌玉每分餘。榮比成功後，恩同造化初。飢塵方欲合，籠翮忽將舒。榆筴錢難比，楊花雪不如。明朝古隄路，心斷玉人車。

送內弟常仁宗歸信州覲省 前人

常嗟外族弟兄稀，轉覺心孤是送歸。醉掩壺觴人有淚，

愁穿魂夢

一作夢
驚波浪

月無輝烹魚綠岸烟浮草採橘青溪

露濕衣聞說江樓長卷幔幾回風起望胡威

送李尚書郎君昆季侍從歸覲滑州

前人

鳳雛聯翼美王孫綵服戎裝擬塞垣金鼎對筵調野膳
玉鞭齊騎引行軒水河一曲旌旗滿墨詔千封雨露繁
更說務農將罷戰敢持歌頌慶晨昏

送廣陵王主簿自蜀歸絳州寧覲

戴叔倫

將歸汾水上遠自錦城來已泛西江盡仍隨北鴈迴暮
雲征馬速曉月故關開漸向庭闈近留君更一杯

送穆侍御歸覲東都

權德輿

知君儒服貴綵綉兩相輝婉婉成名後翩翩擁傳歸江
深烟嶼沒山暗雨雲飛共待酬恩罷相將去息機

以下三篇並見集本

送盧評事婺州覲省

前人

知向東陽去晨裝見綵衣客愁青眼別家喜玉人歸漠
漠水烟晚蕭蕭楓葉飛雙溪泊船處候吏拜胡威

送崔端公郎君入京覲省 前人

已見風姿美仍聞藝業勤清秋上國路白晝少年人帶
月輕帆疾迎霜綵服新過庭若有問一為說漳濱

送王端公之太原歸覲相公 戎昱

柱史今何適西行詠陟岡也知人惜別終美鴈成行春
雨桃花靜離樽竹葉香到時丞相閣應喜棣華芳

送陸秀才歸覲省

前人

武陵何處在南指楚雲陰花萼連芳近桃源去路深啼
鶯徒寂寂征馬已駸駸上千年柳條條掛我心

送路少府貢使兼覲侍御兄 釋皎然

國賦推能吏今朝發貢湖佇瞻雙闕鳳思見栢臺烏樹
向秦關遠江分楚驛孤榮君有兄弟相繼騁長途

送顏處士還長沙覲省 前人

西候風信起三湘孤客心天寒漢水廣鄉遠楚雲深服

綵將侍膳擷芳思滿襟歸人志難阻別恨獨何任

送鄭孝廉淮西覲省

前人

離袂翠華滿晨羞欲早行春風生楚樹晚角發隋城山
靄一作野露濕衣彩江鴻增客情征徒不用戒坐月白波清

送淳于秀才蘭陵覲省

前人

歡言欲忘別風信忽相驚柳浦歸人思蘭陵春草生擷
芳心未及視枕戀常盈此去非長路還如千里情

冬日送顏延之明府撫州覲省

前人

臨川千里別惆悵上津橋日暮人歸盡山空雪未銷鄉
雲心渺渺楚水路遥遥林下方歡會山中獨寂寥天寒
驚斷鴈江信望回潮歲晚流芳歇思君在紫霄

送鄂州張別駕歸襄陽觀省 司空曙

蒼烟岷峰

一作亭

路臘日漢江春帶雪半山寺行沙隔水

人王祥因就宦萊子不遺親正恨殊鄉別千條楚柳新

送魏季羔遊長沙覲兄

前人

蘆荻湘江水蕭蕭萬里秋鶴高看迥野蟬遠入中流訪
友多成滯携家不厭遊惠連仍有作知得從兄酬

送友人擢第歸覲

李端

登龍兼折桂歸去賞高居舊楚楓猶在前隋柳已踈月
中逢海客浪裏得鄉書見說江邊住知君不厭魚

送魏廣下第歸揚州寧親

前人

遊宦今空返浮淮一鴈秋白雲陰澤國青草遶揚州調
膳過花下張筵列水頭崑山仍有玉歲晏莫淹留

春日送沈贊府歸潯陽觀叔父

楊巨源

潯陽阮咸宅九派竹林前
花嶼高如浪雲峯遠似天
江聲在南巷海氣入東田
才子今朝去風濤思渺然

送高士安下第歸岷南寧觀 歐陽詹

借隱有賢親岷南四十春
樓雲自匪石觀國暫同塵
就養思兒戲延年愛鳥伸
還看謝時去集作有類集作穎又作穎

陽人

送國子令狐博士赴興元覲省

劉禹錫

相門才子高陽族，學省清資五品官。
諫院過時榮棣萼，謝庭歸去踏芝蘭。
山中花帶烟嵐晚，棧底江含雪水寒。
伯虎集作仲到家人盡賀，柳營蓮府遞相歡。

聞韓賓擢第歸覲，以詩美之，兼賀韓十五曹長。

時韓牧永州

前人

零陵香草滿郊坰，丹穴雛飛入翠屏。
孝若歸來呈畫讚。

孟陽別後有山銘蘭陵舊地花纔結桂樹新枝色尚清
為報儒林丈人道如今縱放鬢星星

送秀才鄭君歸寧

張籍

桂檝綵為衣行當令節歸夕

集作夜

潮迷浦盡

集作遠

晝雨

見人稀野芰到時熟江鷗泊處飛離琴一奏罷山水靄
餘輝

送李琮歸靈州覲省

姚合

餞席離人起貪程醉不眠風沙移道路僕馬識山川塞

樹花開小關城雪下偏胡塵今已盡應便促朝天

送李餘及第歸蜀

賈島

知音伸久屈覲省去光輝津渡逢清夜途程盡翠微雲
當綿竹疊鳥離錦江飛肯寄書來否原居出甚稀

以下四篇並見集本

送常瓊校書

前人

賓佐兼歸覲此行江漢心別離從闕下道日向山陰孤
嶼消寒沫空城滴夜霖若耶溪畔寺秋色共誰尋

送董正字常州覲省

前人

相逐一行鴻，何時出磧中。
江流翻白浪，木葉落青楓。
輕檝浮吳國，繁霜下楚空。
春來歡侍阻，正字在東宮。

送雍陶及第歸成都寧觀

前人

不唯詩著籍，兼又賦知名。
議論於題稱，春秋對問精。
半應陰騭與，全賴有司平。
歸去峰一作巖巒衆，別來松桂生。

漲江流水品

一作凸

當道白雲坑，勿以攻文捷

一作健

而將

學劍輕裂

一作製

衣新濯錦開，醞舊燒罌同日升。
高士誰

同膝下榮

送董正字武歸覲毗陵

釋無可

暫辭讎校去未發見新鴻路入江波上人歸楚邑東山
遙晴出樹野極暮連空何以念兄弟應思潔膳同

送威衛李騎曹之靈武寧省 前人

一歲一歸寧涼天數騎行河來當塞曲山遠與沙平縱
獵旗風卷聽笳帳月生新鴻引寒色回日滿京城

送邵錫及第歸湖州

春闕烏罷啼歸慶浙烟西郡守招集作邀延重鄉人慕集作

仰羨齊橘青逃

集作陶

暑寺茶長隔湖溪乘暇知高眺微

應辨會稽

送蔡京東歸迎侍

劉得仁

高堂唯兩別此別又成歸薄俸迎親遠雄文解易稀鄆
郊秋木見魯寺夜鐘微近臘西來日多逢霰雪飛

送高湘及第後東歸覲叔 前人

此去幾般榮登科鼎足名無慚入南巷高價聳東京慙

塞

一作對

高山碧庭來洛水聲門前桃李樹一逕已陰成

送友人下第歸覲

前人

君此卜行日高堂應夢歸莫將和氏淚滴著老萊衣岳
雨連河細田禽出來飛到家調膳後吟苦落蟾暉

送友人下第歸揚州覲省

前人

新柳間花垂東西京路岐園林知自到寢食計相思雨
斷淮山出帆揚楚樹移晨昏心已一作始泰蟬發是回時

送張景宜下第歸揚州覲省

朱慶餘

歸省值花時行吟落第詩私情憐道在公論覺才遺春
雨連淮暗官船過馬遲離心可惆悵為有入城期

送唐侍御福建覲兄

李羣玉

桂枝攀盡賈賢才霄漢春風棣萼開世掌綸言傳大筆
官分鴻序殿霜臺閩山翠卉迎飛旆越水清紋散落梅
到日池塘春草綠謝公應夢阿連來

送盧宏本浙東歸覲

張祐

東望故山高秋歸值小舸懷中陸續橘江上伍員濤好

去寧雞口加食及蟹螯知君思無限

集作倦

為我讀

集作續

離騷

送段覺之西川過婚禮後歸覲

許渾

詞賦名高日

集作身

不閒綵衣成

集作如

錦度函關鏡中月

冷胡威去劔外花飛衛玠還秋浪遠侵黃鶴嶺暮溪

集作

雲遙斷碧雞山時人若問

集作此時人問

西遊客心在重霄鬢

欲斑

送友人下第歸寧

喻 鳧

紫閣雪未盡杏園花亦寒
灞西辭舊友楚外憶新安
細雨猿啼枿微陽鷺起灘
旋應赴秋貢詎得久承歡

送李潛歸錦州覲省

姚 鵠

朱樓對翠微紅旆出重扉
此地千人望寥天一鶴歸
雪封山嶼白鳥拂棧梁飛
誰比趨庭戀驪珠耀綵衣

送友人鄭州歸覲

趙 嘏

為有趨庭戀應忘
道路賒風消榮澤凍
雨靜圃田沙古

陌人來遠遙天鴈勢斜園林新到日春酒酌梨花

送權先輩歸覲信安

前人

衣綵獨歸去一枝蘭更香馬嘶芳草渡門掩百花塘野
色亭臺晚灘聲枕簟涼小齋松島上重拂讀書牀

洛中逢盧郢石歸覲

前人

不堪俱失意相送出東周緣切倚門戀倍添為客愁春
山和雪靜寒水帶冰流別後期君處靈源紫閣秋

送陳掾登第作尉歸覲

前人

千峰歸去舊林塘溪縣門前即故鄉
曾把桂誇春里巷
重憐身稱錦衣裳
洲迷翠羽雲遮檻
露濕紅蕉月滿廊
就養舉朝人共美
清資讓却校書郎

送裴延漸下第歸覲滁州

前人

失意何曾恨解携
問安歸去秣陵西
郡斜楊柳春風岸
山映樓臺明月溪
江上詩書懸素業
日邊門戶倚丹梯
一枝攀折回頭是
莫向清秋惜馬蹄

送春坊董正字浙右歸覲

馬戴

去覲

一作省

毗陵日秋殘建業中
莎垂石城古山闊海門

空灌木寒檣遠

一作並

層波皓月同何當復讐校
春集少

陽宮

送邵公石先輩歸連州覲省
曹松

及第兼歸覲宜忘涉驛勞
青雲具慶少白日一飛高轉
楚聞啼狄臨湘見疊濤連
陽沉飲徧何地住旌旄

文苑英華卷二百八十四

欽定四庫全書

文苑英華卷二百八十五 宋 李昉等 編

送行二十 歌附

賦物送人四十一首 歌十五首

賦得鴈送別周員外成嶺表 王 冑

旅鴈別衡陽天寒關路長行斷由驚箭聲嘶為犯霜惟

一作羅繳無人愍能鳴返自傷何如侶泊泊 初學記作汎汎刷羽

戲方塘

此詩三百二十八卷重出今已削去

別故人賦得凌雲獨鶴

王 拊

單嘶凌碧霧風颺入青雲九臯空顧侶千里會離羣望
海飛恒急摩天影詎分欲知淒斷意琴裏自當聞

送王贊府叅選賦得鶴

駱賓王

振衣遊紫府飛蓋背青田虛心恒警露孤影尚凌烟離
歌悽妙曲別操集作引繞繁絃在陰如可和清響會聞天

送郭集作鄭

少府入遼共賦俠客遠從戎

前人

邊烽警榆塞俠客度桑乾柳葉開銀鏑桃花曜

集作照

玉

鞍漏月臨弓影連星入劍端莫學燕丹客空歌易水寒
送劉散員同賦陳思王詩得好鳥鳴高枝

劉斌

春林已自好時鳥復和鳴枝交難奮翼谷靜易流聲間
關纔得性增繳遽相驚安知背飛遠拂霧獨晨征

賦得山樹鬱蒼蒼

許敬宗

喬木託危岫積翠遶連岡
葉踈猶漏影花少未流芳
風來聞肅肅霧罷見蒼蒼
此中餞行邁不異上河梁

賦得明月照高樓

楊濬

高樓一何綺素月復流明
重軒望不極餘輝攬詎盈
鏡華當牖照鉤影隔簾生
逆愁異樽酒對此難為情

賦得遊人久不歸

劉孝孫

鄉關渺天末引領悵懷歸
羈旅久淫滯物色屢芳菲
稍覺山意盡行看蓬鬢衰
如何千里外佇立霑裳衣

賦得春鶯送友人

賀朝

翅掩飛燕舞啼惱
婕妤悲料取金闈意
因君問所思
流鶯拂繡羽
二月上林期待雪
銷金禁銜花
向玉墀

餞濟陰梁明府各探一物得荷葉

張九齡

荷葉生幽渚
芳華信在茲
朝朝空此地
采采欲因誰
但恐星霜改
還將蒲稗衰
懷君美人別
聊取集作贈心期

送姚評事入蜀各賦一物得卜肆

前人

蜀巖化已久湛明空所思嘗聞賣卜處猶憶下簾時驅
傳應經此懷賢儻問之歸來說往事歷歷偶心期

竇校書見餞得雲中辨江樹

江水連天色無

集作天

涯淨野氛微明岸傍樹凌亂渚前

雲舉棹形徐

集作隨

轉登艫意漸分渺茫從此去空復惜

離羣

題瓜洲新河餞族叔舍人賁

李白

齊公鑿新河萬古流不絕豐功利生人天地同朽滅兩
橋對雙閣芳樹有行列愛此如甘棠誰云敢攀折吳關
倚北固天險自茲設海水落斗門潮平見沙汭我行送
季父弭棹徒流悅楊花滿江來疑是隴上雪惜此林下
興愴為山陽別瞻望清路塵歸來空寂蔑

賦得秤送孟儒卿

包何

願以金錘秤因君贈別離鈎懸新月吐衡舉衆星隨掌
握須平執錙銖必盡知由來投分甯莫放弄權移

送客賦得油席帽

錢起

薄質慙加首，秋陰幸庇身。
卷舒無定日，行止必依人。
已沐脂膏惠，寧辭雨露頻。
雖同客衣色，不染洛陽塵。

賦得彭祖樓送楊宗德歸徐州幕

盧綸

四戶八窓明，玲瓏逼上清。
外欄黃鵠下，中柱紫芝生。
每帶雲霞色，時聞簫管聲。
望君兼有月，幢蓋儼層城。

贈送張成季往江上賦得垂楊

前人

垂楊真可憐地勝覺春偏
一穗雨聲裏千條池色前
露繁花的
蝶日麗影團圓若到隋堤望應逢花滿船

送韋判官得雨中山

前峯後嶺碧濛濛
草擁驚泉樹帶風
人語馬嘶聽不得
更堪長路在雲中

顏侍御廳藜藿詠送薛存誠 前人

玉幹百餘莖生君此堂側
拂簷寒雨響擁砌深溪色
何

事鳳凰雛茲焉理歸翼

賦得長洲苑送李惠

郎士元

草深那可訪地久阻相傳散漫三秋雨踈蕪萬里烟都
迷採蘭處強記館娃年客有遊吳者臨風思渺然

題竹扇贈別

皇甫冉

湘竹殊堪製齊紈且未工幸親芳袖日猶帶舊林風掩
笑歌筵裏傳書卧閣中竟將為別贈寧與合歡同

春鳥詞送元秀才入京

顧况

春來繡羽齊，暮向竹林栖。
禁苑銜花出，河橋隔樹啼。
尋聲知去遠，顧影念飛低。
別有無巢鷺，猶窺幕上泥。

柳楊送客

李益

青楓江畔白蘋洲，楚客傷離不待秋。
君見隋朝更何事，柳楊南渡水悠悠。

別鶴詞送令狐校書之桂府 楊巨源

海鶴一為別，高程方窅然。
影搖江漢路，思結瀟湘天。
皎然仰白日，真姿栖紫烟。
含情九霄際，顧侶五雲前。
遐心

屬清都淒響激朱弦超遙聞風雨迢遞各山川東南信
多水會合當有年雌一作雄飛唳冥冥此意何由傳

賦得夜雨滴空堦送魏秀才 揚 衡

委簷方滴滴霑紅復栖綠醉聽乍朦朧愁聞多斷續始

兼泉一作松響細稍雜更聲促百慮自縈心况有人如玉

送陳偃賦得白鳥翔翠微 朱 灣

不知鷗與鶴天畔弄晴暉背日分明見臨川相映微淨
中雲一點迴處雪孤飛正好高枝立翩翩何所歸

聽江笛送陸侍郎

韋應物

遠

集作聽

江上笛臨觴一送君
還愁獨宿夜更向郡齋

聞

送李竟之宣州謁袁中丞賦得渡江

張衆甫

古渡大江濱西南距要津
自當舟楫路應濟往來人
翻浪驚飛鳥回風起綠鱗
一作鱗君看波上客歲晚獨垂綸

賦得月下聞蛩送別

劉商

物候改秋節炎涼此夕分
暗蟲聲遍草明月夜無雲清
迴簷外見淒其籬下聞感時兼惜別
羈思自紛紛

秋砧送邑大夫

竇叔向

斷續長門夜清冷
逆旅秋征夫應待信
寒女不勝愁帶月飛城上
因風散陌頭
離居偏入聽
况復送歸舟

吳興送梁補闕歸朝賦得荻花

朱長文

柳家汀洲孟冬月
雲寒水清荻花發
一枝持贈朝天人

應比蓬萊殿前雪

賦得巴峽啼猿送客

釋皎然

萬里巴江夜三聲月

一作出

峽深何年有此路幾客共霑

襟斷壁

一作臂

分連

一作重

影流泉入苦吟淒淒別離處

一作

後聞此更傷心

賦得石梁泉送崔遠

架石通霞壁懸流散碧沙天晴虹影度風細練文斜攀
陟幽期阻泐洄客意賒河梁非此路別恨亦無涯

賦得夜雨滴空堦送陸羽歸龍山

前人

聞堦夜雨滴偏入別情中斷續清猿應淋漓候館空氣
令煩慮散時與早秋同歸客龍山道東來雜好風

賦得謝墅送王長史

前人

世業州西墅移家長我身蕭疎遺樹老寂寞廢田春車
巷傷前轍離溝憶舊隣何堪再過此更送北歸人

賦得竹如意送詳法師赴講

縹竹湘南美吾師尚毀形仍留負霜節不變在林青每
入楊枝手因譚貝葉經誰期沃洲講持此別東亭

賦得顏氏古今事得晉仙傳送顏逸

梁相東王國常侍顏

協著晉仙傳五篇

曾看顏氏傳多記晉時仙却憶桐君老俱還桂父年青
春留鬢髮白日向雲烟遠別賫遺簡囊中有幾篇

妙善寺達公院賦得夜磬送呂評事

前人

一磬寒山至凝心轉清越細和虛籟盡踈統懸泉發在
夜吟更長停空韻難絕幽僧悟深定歸客忘遠別寂歷
無性中真聲何起滅

奉同顏真卿送李侍御萼賦得荻塘路

前人

落日車遥遥客心在歸路細草暗廻塘春泉縈古渡遺
蹤歎蕪沒遠道悲去住寂寞荻花空行人別無數

賦得古原草送別

白居易

離離原上草一歲一枯榮野火燒不盡春風吹又生
遠芳侵古道晴翠接荒城又送王孫去萋萋滿別情

賦得望遠山送客歸

釋無可

遙山寒雨過正向暮天橫隱隱凌雲出蒼蒼共

集作與

水

平何時

集作年

凝厚地幾處向孤城歸客秋風裏回看傷

別情

送祝八之江東賦得浣紗石 李白

西施越溪女明艷光雲海未入吳王宮殿時浣紗古石

今猶在桃李新開映故

集作古

查菖蒲猶短未

集作出

平沙

昔時紅粉照流水今日青苔覆落花君去西秦適東越
碧山清江幾超忽若到天涯思故人浣紗石上窺明月

赤壁歌送別

前人

二龍爭戰決雌雄赤壁樓船掃地空烈火張天照雲海
周瑜於此破曹公君去滄江弄波

集作澄

碧鯨鯢唐突留

餘跡一一書來報故人我欲因之壯心魄

賦得白鷗歌送李伯康歸使 盧綸

積水深沉句 白鷗飛翻句 倒影光素句 于潭之間句 銜

魚落句 亂鷺鳴句 爭撲蓮句 藂葉一作 傾爾不見句 波

中鳴鷓間無營句 何必汲汲勞其生 柳花冥濛大堤口

悠揚相和乍無有 輕隨去浪杳不分 細舞春風一何有

上句已 似君換得白鵝時 獨凭闌干雪滿池 今日還同

押有字 看鷗鳥如何羽翮復參差 復參差海潮瀾漫何由期

陳翊郎中北亭送劉侍御賦得帶水流歌

前人

谿中鳥鳴春景旦一派寒水忽開散壁方鏡圓流不斷
白雲鱗鱗滿河漢疊處淺旋處深撇揆寒魚上復沈羣
鷺鼓舞揚清音主人有客簪白筆玉壺貯此光如一持
此贈君君飲之聖君識君冰玉姿

洛陽行送洛陽韋七明府

一有響字

顧况

始上龍門望洛川洛陽桃李艷陽天最好當年二三月
上陽宮樹千花發疏家父子錯掛冠梁鴻夫妻虛適越

黃鵠樓歌送獨孤助

前人

故人西去黃鵠樓西江之水上天流黃鵠杳杳江悠悠
黃鵠徘徊故人離別堂酒盡清絲絕綠嶼沒餘烟白沙
連曉月

廬山瀑布歌送李顧

前人

飄白霓挂丹梯應從織女機邊落不遣潯陽潮向西
火雷劈山珠噴日五老峯前九江溢九江悠悠萬古情
古人行盡今人行老人也欲上山去上箇深山無姓名

賦得秋河曙耿耿送郭秀才應舉

雜言

歐陽詹

月沒天欲明秋河尚疑白
皚皚積光素耿耿橫虛碧
南

斗接北辰連合

集作空

濛濛

一作濛濛

洞浮高天湯湯

集作蕩蕩

漫

漫皆晶然實類平蕪流大川
星為潭底珠雲是波中烟

鷄唱漏盡東方作曲渚

集作曲空

蒼蒼曉霜落鴈叫疑從清

淺驚鳥聲似在沿洄泊并州
細侯直下孫才應秋賦懷

金門念排雲漢將飛翻仰之
踴躍當華軒夜來陪餞歐

陽子偶坐通宵見深旨心知慷慨日集作昭然前集作回
程志在青雲裏

錫杖歌送楚上人歸佛川 權德輿

上人遠自西天至頭陀行遍南朝寺口翻貝葉古字經
手持金策聲泠泠護法護身惟振錫石瀨雲溪深寂寂
乍來松逕風更寒遙映霜天月成魄後夜空山禪誦時
寥寥挂在枯樹枝真法常傳心不住東西南北隨緣路
佛川此去何時迴應真莫便遊天台

桃花石枕歌送安吉康丞

釋皎然

君吏桃州尚寄跡
桃州採得桃花石
爛疑朝日照已舒
含似春風吹未拆
珪璋特達世所珍
吾知此物亦其倫
應羨花開不凋悴
應喜玉片無緇磷
立性堅剛平若砥
君子偏將交道比
何人亦秉堅剛姿
吾見君心得如此
君心所好我獨知
別多見少長相思
從今一作來賞玩安
左右萬里提攜君
莫辭

春夜賦得漉水囊歌送鄭明府

前人

吳縑楚練何白哲居士持來遺禪客禪客能裁漉水囊
不用良工秉刀尺先師遣我戒無缺疑一慮一翻心敢
賒夕望東風思漱盥朦朧斜月懸燈紗徙倚花前漏初
斷白猿爭嘯驚禪伴玉瓶徐瀉尚涓涓澣着蓮衣水珠
滿因識仁人為官情還如漉水愛蒼生聊歌一曲與君
別莫忘寒泉見底清

賦得隨陽鴈歌送兄南遊

劉商

塞鴻聲聲飛不住終日南征向何處大漠窮陰多沍寒
分飛不得長懷安春去秋來年歲疾湖南薊北關山難
寒飛萬里胡天雪夜度千門漢家月去住應多兩地情
東西動作經年別南州風土復何如春鴈歸時早寄書

賦得射雉歌送楊協律表弟赴婚期

前人

昔日才高容貌古相敬如賓不相覩手奉蘋蘩喜盛門
心知禮義感君恩三星照戶春空盡一樹桃花竟不言

結束車輿強遊往和風霽日東臯上鸞鳳參差陌上行
麥苗縈隴雉初鳴修容盡飾將何益極慮呈材欲導情
六藝從師得機要百發穿楊含絕妙白羽風馳碎錦毛
青娥怨處嫣然笑楊生詞賦比潘郎不似前賢貌不揚
聽調琴弄能和室更解彎弧足自防秋深為爾持團扇
莫忘魯連飛一箭

泛舒城南溪賦得沙鶴歌奉餞張侍御赴河南
元博士赴揚州拜覲僕射

終日閭閻逐群鷄喜逢野鶴臨清溪綠苔春水水中影
夜月平沙沙上栖驚謂汀洲白蘋發又疑曲渚前年雪
紫頂昂藏肯狎人一聲嘹唳一作唳冲天闕素質翩翩帶

落暉湖南渭陽相背飛東西分散別離促宇宙蒼茫相
見稀皇華地仙如鶴馭乘駕飄飄留不住延望乘虛入
紫霞陌頭回首空烟樹會使搏風羽翮輕九霄雲路隨
先鳴

姑蘇懷古送秀才下第歸江南

前人

姑蘇臺枕吳江水層級鱗差向天倚秋高露白萬林空
低望吳田三百里當時雄盛如何比千仞無根立平地
臺前夾月吹玉鸞臺上迎涼撼金翠銀河倒瀉君王醉
灑酒峨冠眇西子宮娃酣態舞娉婷香颺四颺青珠墜
伍員結舌長噓噉忠諫無因到君耳城烏啼盡海霞銷
深掩金屏日高睡王道潛隳伍員死可歎斗間瞻王氣
會稽句踐擁長矛萬馬鳴蹄掃空壘瓦解冰銷真可恥

凝艷妖芳安足恃可憐荒堞晚冥濛麋鹿呦呦達遺址
君懷逸氣還東吳吟狂日日遊姑蘇興來下筆到奇景
瑤盤迸灑鮫人珠大鵬矯翼翻雲衢嵩峯霽後凌天孤
海潮秋打羅刹石月魄夜當彭蠡湖有時凝思家虛無
霓幢髣髴遊仙都琳瑯暗憂玉華殿天香靜裊金芙蓉
君聲日下聞來久清瞻何人敢敵手我逃名迹遁西
林不得灞陵傾別酒莫便五湖為隱淪年年三十昇仙
人

文苑英華卷二百八十五